



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Lieb vnd Ehr Gebett/ Jubel vnd Andacht Zu dem
Glorwürdigst. S. Ioseph, als Dem mit Gott selbstem am
nechsten Verwandten**

Cölln, 1651

Kurtze Sprüch vnnd Sententzen/ von vnfehlbarlicher Hülff vnnd Beystandt/
die der H. Ioseph pflegt zu leisten allen denen/ so denselben emsig
verehren vund anruffen.

[urn:nbn:de:hbz:466:1-46359](https://nbn-resolving.org/urn:nbn:de:hbz:466:1-46359)

**Kurze Spruch vund Sen-
tenzen / von vnfehlbarlicher Hülff vund
Benstandt / die der H. Joseph pflegt zu leisten
allen denen / so denselben embsig verehren
vund anruffen.**

I. **G**llichen Heiligen ist es von Gott geben in
gewissen besonderen sachen vund nöthen
vornemblich zu helfen/ als dem H. Antonio wi-
der das wilde Fewr vnd kalten Brandt: Dem
heiligsten Joseph aber ist es mitgetheilt zu helf-
fen in allerley Nöthen vnd Anligen/ vnd alle die
jenige/ so trewlich vnd demütig ihre Zuflucht zu
ihme haben/ zu beschützen/ zu erhalten/ vnd jmer
mit vätterlichen affecten vnd liebe zu bewahrē.
S. Thom de Aquino 4. dist 45. art. 2. ad 2. apud Ioan. de
Carthagena tom. 2. lib. 18. homil. 14.

II. Es scheint/ der Herz habe anderen Heili-
gen nur in einerley Nöthen zu helfen Gnad ge-
ben: ich hab aber erfahren/ daß dieser H. JO-
SEPH in allen nöthen hilfft/ vnd daß vns der
Herz zuerkennen geben wil / das gleicher weis
wie er ihm auff Erden / da er Mensch worden/
ist vnderthänig gewesen / vund hat ihm in al-
len seinen Gebotten gehorschet / also thue er
auch jezo im Himmel was er für vns begehrt.
S. Virgo Theresia vitz suz cap. 6.

III. Ich erinnere mich nicht / daß ich biß auff
die gegenwertige stundt jemaln etwas von ihm
(S. JOSEPH) begehrt / welches er mir ni-
gethan habe. Es ist hoch zuverwunderen/ was
grosse gnad mir Gott durch diesen hohen Heili-
gen erwiesen/ vnd auß wie vielen Gefahren des
leibs vnd der seelen er mich erledigt habe. Ibid.